

Na osnovu člana 16.stav 4. Zakona o Vladi Zeničko-dobojskog kantona –Prečišćeni tekst (“Službene novine Zeničko-dobojskog kantona”, broj: 7/10), a u skladu sa članom 33. i 46. Zakona o izvršavanju Budžeta Zeničko-dobojskog kantona za 2018. godinu (“Službene novine Zeničko-dobojskog kantona”, broj: 1/18), na prijedlog Ministarstva zdravstva, Vlada Zeničko-dobojskog kantona, na 137. sjednici, održanoj 26.03.2018. godine, d o n o s i

ZAKLJUČAK

o usvajanju Programa utroška sredstava planiranih u Budžetu Zeničko-dobojskog kantona za 2018. godinu na poziciji “Tekući transferi drugim nivoima vlasti i drugi tekući rashodi” Ministarstva zdravstva

I.

Usvaja se Program utroška sredstava planiranih u Budžetu Zeničko-dobojskog kantona za 2018. godinu (“Službene novine Zeničko-dobojskog kantona”, broj: 1/18) na poziciji „Tekući transferi drugim nivoima vlasti i drugi tekući rashodi” Ministarstva zdravstva u iznosu od 1.618.500,00 KM (slovima: jedan milion i šest stotina osamnaest hiljada i pet stotina konvertibilnih maraka), koji čini sastavni dio ovog zaključka.

II.

Sredstva planirana Budžetom Zeničko-dobojskog kantona za namjene predviđene ovim zaključkom realizovat će se isključivo u skladu sa realizacijom ostvarenih javnih prihoda u Budžetu Kantona.

III.

Zadužuju se Ministarstvo zdravstva i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/18.

Datum, 26.03.2018. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo zdravstva,

1x Ministarstvo finansija,

1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

***PROGRAM UTROŠKA SREDSTAVA
PLANIRANIH U BUDŽETU ZENIČKO-DOBOJSKOG KANTONA
ZA 2018. GODINU
NA POZICIJI „TEKUĆI TRANSFERI DRUGIM NIVOIMA VLASTI I
DRUGI TEKUĆI RASHODI“ MINISTARSTVA ZDRAVSTVA***

Zenica, mart 2018. godine

U skladu sa odredbama člana 33. stav 1. i člana 46. Zakona o izvršavanju Budžeta Zeničko-dobojskog kantona za 2018. godinu, («Službene novine Zeničko-dobojskog kantona», broj: 1/18), Ministarstvo zdravstva predlaže Vladi Zeničko-dobojskog kantona Program utroška sredstava planiranih u Budžetu Zeničko-dobojskog kantona za 2018. godinu na pozicijama 614000- „Tekući transferi drugim nivoima vlasti i drugi tekući rashodi“, koji obuhvata pozicije 614100- „Tekući transferi drugim nivoima vlasti“ i 614300- „Tekući transferi neprofitnim organizacijama“.

Svrha Programa: Ovim programom utvrđuje se utrošak sredstava za tekuće transfere u oblasti zdravstva.

Visina sredstava: 1.618.500,00 KM

Izvori sredstava: Budžet Zeničko-dobojskog kantona za 2018. godinu, razdjel 21, budžetska organizacija 01, potrošačka jedinica 0001- Ministarstvo zdravstva, ekonomski kod 614100, pozicija „Tekući transferi drugim nivoima vlasti“ i ekonomski kod 614300, pozicija „Tekući transferi neprofitnim organizacijama“.

I Tekući transferi drugim nivoima vlasti-planirani iznos 1.608.500,00 KM

1. Tekući transfer za nabavku vakcina

(ekonomski kod 614100, subanalitika LAX 0001-godišnji iznos 70.000,00 KM)

Članom 13. Tačka 9) i 10) Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13) propisano je da društvena briga za zdravlje na nivou kantona obuhvata mjere za osiguranje i provođenje zdravstvene zaštite od interesa za građane na području kantona i to: provođenje epidemiološke, zdravstveno-statističke, socijalno-medicinske i zdravstveno-ekološke djelatnosti, te unapređenje zdravlja i prevenciju bolesti na području kantona i provođenje mjera zaštite stanovništva od zaraznih bolesti iz svoje nadležnosti u skladu sa propisima o zaštiti stanovništva od zaraznih bolesti.

Institut za zdravlje i sigurnost hrane Zenica, u skladu sa članom 119. stav 2. alineja 9. navedenog Zakona, kontinuirano provodi mjere higijensko-epidemiološke zaštite i nadzora sa epidemiološkom analizom stanja na području Kantona i provodi protivepidemijske mjere, te nadzire provođenje obaveznih imunizacija.

- Antirabična zaštita

Na našim prostorima evidentan je problem pasa litalica, koji su najčešći prenosnici virusa bjesnila. Opravdanost nabvake vakcina protiv bjesnila je evidentna, čime se postiže visok stepen sigurnosti građana u slučaju eventualne pojave bjesnila kod životinja koje borave u blizini ljudi.

Planirana sredstava u Budžetu Zeničko-dobojskog kantona za 2018. godinu za antirabičnu zaštitu (nabavka vakcina verorab i imunoglobulina) iznose 17.000,00 KM. Jedina ovlaštena i osposobljena ustanova za procjenu potrebe i apliciranje antirabične zaštite na području Kantona je Institut za zdravlje i sigurnost hrane Zenica. Navedena nabavka je planirana u augustu ove godine.

- Vakcine protiv sezonske gripe

Sezonska gripa predstavlja poseban zdravstveni rizik za bolesnike sa više hroničnih oboljenja i oslabljenim imunitetom, te postoji potreba da se izdvoje sredstva za nabavku vakcina protiv sezonske gripe za oko 4500 najugroženijih stanovnika na području Zeničko-dobojskog kantona.

Planirana sredstava u Budžetu Zeničko-dobojskog kantona za 2018. godinu za nabavku vakcina protiv sezonske gripe iznose 53.000,00 KM. Institut za zdravlje i sigurnost hrane Zenica vrši nabavku vakcina i distribuciju domovima zdravlja za dalju podjelu. Navedena nabavka se planiraju u novembru ove godine.

Za naprijed navedene aktivnosti planirana sredstva u Budžetu Zeničko-dobojskog kantona za 2018. godinu iznose 70.000,00 KM, a realizacija će se vršiti u skladu sa procentom ostvarenja prihoda i operativnim planovima potrošnje budžetskog korisnika.

Kriteriji za raspodjelu: Zahtjev Instituta za zdravlje i sigurnost hrane u skladu sa epidemiološkom situacijom o vrsti-soju vakcine i potrebnim količinama i Zaključak Vlade Kantona o odobrenju sredstava.

Vakcine putem javnog natječaja nabavlja Institut za zdravlje i sigurnost hrane Zenica, a po okončanju procedura nabavke, Ministarstvo zdravstva transferiše sredstva Institutu za zdravlje i sigurnost hrane Zenica.

2. Tekući transfer za deratizaciju

(ekonomski kod 614100, subanalitika LAX 002-godišnji iznos 100.000,00 KM)

U skladu sa članom 119. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13) i Zakonom o zaštiti stanovništva od zaraznih bolesti „Službeni list Federacije Bosne i Hercegovine“, broj: 29/05), Institut za zdravlje i sigurnost hrane Zenica donosi Plan i program mjera deratizacije, dezinsekcije i dezinfekcije i nadzire njihovo izvršenje, te provodi preventivne i protuepidemijske DDD postupke za područje Kantona.

Provođenje sistematske deratizacije na području Kantona je jedna od obaveznih protivepidemijskih mjera propisanih Zakonom o zaštiti stanovništva od zaraznih bolesti. Njeno provođenje je propisano u dvije faze (proljetna i jesenja). Kako postoje značajne površine i objekti kojima upravlja Kanton, u Budžetu za 2018. godinu su obezbjeđena sredstva u iznosu od 100.000,00 KM na ime troškova nabavke otrova – rodenticida za provođenje sistematske deratizacije na ovim površinama i objektima. Na ostalim objektima i površinama, koje imaju definisanog vlasnika (korisnika) i koje ostvaruju vlastiti prihod, troškove sistematske deratizacije snose vlasnici (korisnici).

Predložena sredstva su mala u odnosu na efekat koji se ostvaruje – zaštita zdravlja stanovništva od zaraznih bolesti.

Institut za zdravlje i sigurnost hrane Zenica će predložiti Vladi Zeničko-dobojskog kantona na usvajanje poseban Program provođenja obavezne preventivne sistematske deratizacije na području Zeničko-dobojskog kantona (proljetna i jesenja faza), koji će biti osnov za donošenje Odluke o obezbjeđenju sredstava za nabavku otrova –rodenticida neophodnih za provođenje Programa.

Naredbom Ministarstva zdravstva će se definisati objekti i površine koji će biti obuhvaćeni preventivnom sistematskom deratizacijom, podijeljeni u dvije grupe.

Budžetom Zeničko-dobojskog kantona za 2018. godinu planirana sredstva za naprijed navedene namjene iznose 100.000,00 KM.

Kriterij za raspodjelu sredstava: Program provođenja proljetne i jesenje faze obavezne preventivne sistematske deratizacije,dezinsekcije i dezinfekcije na području Zeničko-dobojskog kantona za 2018. godinu i Odluka Vlade o odobravanju sredstava za nabavku otrova -rodenticida.

Izveštaj o provedenoj akciji (proljeće- jesen) dostavlja Institut za zdravlje i sigurnost hrane Zenica i isti na prijedlog Ministarstva zdravstva usvaja Vlada.

3. Tekući transfer za Kantonalni zavod za bolesti ovisnosti (ekonomski kod 614100, subanalitika LAX 005-godišnji iznos 120.000,00 KM)

Sredstva za rad Kantonalnog zavoda za bolesti ovisnosti se obezbjeđuju Ugovorom sa Zavodom zdravstvenog osiguranja Zeničko-dobojskog kantona, iz Budžeta Zeničko-dobojskog kantona i iz drugih izvora na način i pod uslovima određenim zakonom, aktom o osnivanju i Statutom Zavoda. Djelatnost Kantonalnog zavoda za bolesti ovisnosti obuhvata djelatnost medicinske prakse i zdravstveno-preventivnu zaštitu, a u okviru ove djelatnosti Zavod obavlja:

- stacionarnu i ambulantno-polikliničku zdravstvenu zaštitu sa rehabilitacijom oboljelih ovisnika
- prevenciju, dijagnostiku, rehabilitaciju i socijalnu reintegraciju ovisnika
- provođenje programa edukacije i metadonskog programa prema standardima Svjetske zdravstvene organizacije
- vođenje registra bolesti ovisnosti
- ostvarivanje saradnje sa svim zdravstvenim ustanovama i specijaliziranim ustanovama iz oblasti borbe protiv ovisnosti
- organizovanje stručnih savjetovanja, seminara, javnih tribina, predavanja i drugih aktivnosti od značaja za ostvarivanje djelatnosti Zavoda
- provodi istraživački rad na polju bolesti ovisnosti
- organizuje i/ili provodi programe smanjenja šteta za lica koja injektiraju droge
- stacionarni tretman –detoks, liječenje oboljelih ovisnika

Planirani prihodi Kantonalnog zavoda za bolesti ovisnosti u 2018. godini iznose 1.731.600,00 KM, od čega se na prihode od Zavoda zdravstvenog osiguranja Zeničko-dobojskog kantona odnosi 1.097.600,00 KM (63,4%), namjenske prihode za finansiranje supstitucione terapije (metadon i suboxone) 260.000,00 KM (15,0%), prihode od usluga ostalim korisnicima-kantonima 220.000,00 KM (12,7%), prihode iz Budžeta Zeničko-dobojskog kantona 120.000,00 KM (6,9%) i ostale prihode 34.000,00 KM (2,0%).

Planirani rashodi Kantonalnog zavoda za bolesti ovisnosti za 2018.godinu kreću se u okviru planiranih izvornih prihoda (1.731.600,00 KM), od čega se na neto plaće sa porezima i doprinosima odnosi 1.029.000,00 KM (59,4%), troškove toplog obroka i regresa 94.000,00 KM (5,4%), ostale naknade uposlenim 15.000,00KM (0,9%),troškove za metadon i suboxone-iz namjenskih prihoda 260.000,00KM (15,0%), ishranu pacijenata-Detox 46.000,00 KM (2,7%), troškove za metadonsku terapiju-test trake i utrošak lijekova –Detox 35.000,00KM (2,0%), troškove zakupa 32.000,00 KM (1,9%), troškove električne energije, grijanja i goriva 23.000,00KM (1,3%), zaštitarske usluge 22.000,00 KM (1,3%), naknade članovima Upravnog odbora 16.000,00 KM(0,9%),naknade po osnovu ugovora o djelu 16.000,00KM(0,9%), poreze naknade i takse 12.000,00 KM (0,7%), troškove amortizacije 17.000,00KM(1,0%), usluge medija-prevencija 13.000,00 KM (0,8%) i sve ostale troškove 5,8%.

Kriteriji za raspodjelu sredstava: Plan poslovanja Kantonalnog zavoda za bolesti ovisnosti, mjesečni iznosi za finansiranje utvrđeni Budžetom Zeničko-dobojskog kantona za 2018. godinu, usklađeni sa procentom ostvarenja prihoda i operativni planovi potrošnje za svakog budžetskog korisnika.

Izveštaj o utrošku sredstava podnosi se Ministarstvu zdravstva šestomjesečno odnosno po godišnjem obračunu.

4. Tekući transfer za Kantonalni zavod za medicinu rada i sportsku medicinu (ekonomski kod 614100, subanalitika LAX 007-godišnji iznos 26.000,00 KM)

Kantonalni zavod za medicinu rada i sportsku medicinu, u skladu sa članom 120. Zakona o zdravstvenoj zaštiti ("Službene novine Federacije Bosne i Hercegovine", broj 46/10 i 75/13) i Odlukom o preuzimanju prava i obaveza osnivača i usklađivanja organiziranja i poslovanja Javne ustanove Kantonalni zavod za medicinu rada ("Službene novine Zeničko-dobojskog kantona", broj: 11/12), obavlja djelatnosti specifične zdravstvene zaštite radnika na području Zeničko-dobojskog kantona. Prema standardima i normativima zdravstvene zaštite iz obaveznog zdravstvenog osiguranja („Službene novine Federacije BiH”, broj: 82/14), finasijska sredstva se obezbjeđuju iz sredstava Zavoda zdravstvenog osiguranja Zeničko-dobojskog kantona (85%), a ostatak iz sredstava Budžeta Zeničko-dobojskog kantona.

Programskim zadacima Kantonalnog zavoda za medicinu rada i sportsku medicinu, koji se dijelom finansiraju iz Budžeta Zeničko-dobojskog kantona u 2018. godini predviđeni su sljedeći projektni zadaci:

- prikupljanje i obrada statističkih podataka o absentizmu na nivou Zeničko-dobojskog kantona u saradnji sa Kantonalnim zavodom zdravstvenog osiguranja
- prikupljanje i obrada statističkih podataka o absentizmu u period obrade za IK
- identifikacija i procjena štetnih rizika po zdravlje na random mjestu
- edukacija zdravstvenih radnika iz domena medicine rada i profesionalne patologije
- profesionalna orijentacija i nova zanimanja i tehnologije rada
- promocija zdravlja-zdravstveni odgoj
- osposobljavanje zaposlenika za pružanje prve pomoći i
- kardiološki rizici sportista školskog uzrasta

Budžetom Zeničko-dobojskog kantona za 2018. godinu planirana sredstva za javno-zdravstvenu djelatnost medicine rada iznose 26.000,00 KM a utožit će se za realizaciju projekata u 2018. godini planiranih programskim zadacima Katonalnog zavoda za medicinu rada i sportsku medicinu za 2018. godinu.

U strukturi ukupnih troškova za realizaciju projekata koji se finansiraju iz sredstava koje obezbjeđuje Zeničko-dobojski kanton, na bruto primanja uposlenih se odnosi 20.800,00 KM, troškove stručnog osposobljavanja 3.500,00 KM, troškove tehničke realizacije programa 200,00 KM, zajedničke troškove 1.000,00 KM i troškove zajedničkih službi 500,00 KM.

Kriteriji za raspodjelu sredstava su: Program utroška, mjesečni iznosi za finansiranje utvrđeni Budžetom Zeničko-dobojskog kantona za 2018. godinu usklađeni sa procentom ostvarenja prihoda i operativni planovi potrošnje za svakog budžetskog korisnika.

Izvještaj o utrošku sredstava podnosi se Ministarstvu zdravstva šestomjesečno odnosno po godišnjem obračunu.

5. Tekući transfer za JU Institut za zdravlje i sigurnost hrane Zenica (ekonomski kod 614100, subanalitika LAX 008-godišnji iznos 62.500,00 KM)

Programi javno-zdravstvenih aktivnosti koje realizuje Institut za zdravlje i sigurnost hrane Zenica su od izuzetnog značaja i predstavljaju djelatnost koja je zakonska obaveza.

Institut za zdravlje i sigurnost hrane Zenica provodi mjere i aktivnosti iz djelokruga javnog zdravstva, a u skladu sa odredbama Zakona o zdravstvenoj zaštiti i Zakona o zaštiti stanovništva od zaraznih bolesti i to kroz sljedeće programe:

- Praćenje i analiza zdravstvenog stanja stanovništva i funkcionisanja zdravstva
- Prikupljanje i obrada zdravstveno-statističkih podataka i istraživanja u zdravstvu
- Antirabična zaštita
- Nadzor nad akutnom flakidnom paralizom
- Nadzor nad HIV/AIDS

Ukupni troškovi za realizaciju naprijed navedenih programa iznose 92.050,00 KM. Nedostajuća sredstva za finansiranje navedenih programa bit će obezbjeđena iz sredstava Instituta za zdravlje i sigurnost hrane Zenica, obzirom da se radi o aktivnostima koje su zakonska obaveza.

Budžetom Zeničko-dobojskog kantona za potrebe finansiranja programa javno-zdravstvenih aktivnosti Instituta planirano je 62.500,00 KM.

Kriteriji za raspodjelu sredstava su Program rada, mjesečni iznosi za finansiranje utvrđeni Budžetom Zeničko-dobojskog kantona za 2018. godinu, usklađeni sa procentom ostvarenja prihoda i operativni planovi potrošnje za svakog budžetskog korisnika.

Izveštaj o utrošku sredstava podnosi se Ministarstvu zdravstva šestomjesečno, odnosno po godišnjem obračunu.

6. Tekući transfer za Kantonalnu bolnicu Zenica

(ekonomski kod 614100, subanalitika LAX 010-godišnji iznos 1.150.000,00 KM)

Kao i u prethodnoj godini, Vlada Zeničko-dobojskog kantona je u Budžetu za 2018. godinu planirala sredstva za JU Kantonalna bolnica Zenica za pokriće troškova tekućeg održavanja koje će ova zdravstvena ustanova imati u 2018. godini. Ukupno planirana sredstva za ove namjene iznose 1.150.000,00 KM.

U sljedećoj tabeli dat je pregled utroška sredstava po zaključenim ugovorima za tekuće održavanje medicinske i nemedicinske opreme sa planiranim godišnjim iznosima sredstava neophodnih za realizaciju ugovorenih obaveza:

Naziv dobavljača	Svrha	Ugovor broj:	Ukupan iznos
„Siemens medicina“ d.o.o. Sarajevo	Usluge održavanja medicinske opreme proizvođača „Siemens“ u Službi za radiologiju (MR magnetom, T Somatom Definition AS 40, Axiom Iconos MD, Multix Top)	20/1-1061/17	451.450,32
„Siemens medicina“ d.o.o. Sarajevo	Usluge održavanja i servisiranja (full servis CT aparata Somatom emotion 6 RTP u Službi za onkologiju i radioterapiju	20/1-9128/17	115.830,00
„Wizard computers“ d.o.o. Mostar	Usluge održavanja transfuzijskog informacionog sistema Renovatio	20/1-5405/17	22.323,60
„Wizard computers“ d.o.o. Mostar	Usluge održavanja laboratorijskog informacionog sistema RGB Analysis	20/1-5944/17	20.358,00

„Wizard computers“ d.o.o. Mostar	Usluge održavanja laboratorijskog informacionog sistema RGB Analysis-Mikrobiologija	20/1-6124/17	9.126,00
„Wizard computers“ d.o.o. Mostar	Usluge održavanja BIS-a Modul Hemodijaliza	20/1-6545/16	20.028,12
„Medit“ d.o.o. Sarajevo	Usluge održavanja, servisiranja i implementacije PACS/RIS sistema	20/1-5620/16	73.008,00
„Fresenius Medical Care“	Usluge održavanja medicinske opreme proizvođača Fresenius	20/1-8575/17	42.120,00
„Dalia“ d.o.o. Tuzla	Usluge nabavke i održavanja softvera AFIS	20/1-13921/17	66.296,88
„Eurolifting“ d.o.o. Zenica	Usluge održavanja liftovskih postrojenja	20/1-10283/17	14.180,40
„Medpoint“ d.o.o. Sarajevo	Usluge održavanja medicinske opreme proizvođača „Philips“ i „Aloka“	20/1-10304/16	14.663,00
„Medpoint“ d.o.o. Sarajevo	Usluge održavanja gamma kamere proizvođača „Picker“	20/1-6064/17	19.000,00
„Medpoint“	Održavanje i servisiranje opreme (full servis) u Službi za onkologiju i radioterapiju		222.300,00
Ostali izdaci za tekuće održavanje			59.315,68
UKUPNO			1.150.000,00

Ostali izdaci za tekuće održavanje odnose se na neplanirane izdatke koji se mogu pojaviti u 2018. godini, za što će se donijeti pojedinačne odluke Vlade Zeničko-dobojskog kantona.

Kriteriji za raspodjelu:

Na prijedlog Ministarstva zdravstva, a po zahtjevu zdravstvene ustanove Vlada Zeničko-dobojskog kantona donosi odluku o odobrenju sredstava u skladu procentom ostvarenja prihoda u Budžetu Zeničko-dobojskog kantona.

Sredstva odobrena odlukom će se transferisati na račun Javne ustanove Kantonalna bolnica Zenica, na osnovu zaključenog ugovora o nabavci i ispostavljenom fakturi od dobavljača.

Zdravstvena ustanova je obavezna Ministarstvu zdravstva dostaviti dokaze o izmirenju obaveza dobavljaču.

7. Tekući transfer za Kantonalni zavod za medicinu rada i sportsku medicinu-zdravstvena zaštita sportaša

(ekonomski kod 614100, subanalitika LAX 011-godišnji iznos 75.000,00 KM)

U skladu sa Zakona o zdravstvenoj zaštiti („Službene novine Federacije BiH“, broj: 46/10 i 75/13) i Odlukom o preuzimanju prava i obaveza osnivača i usklađivanju organizacije i poslovanja Javne ustanove Kantonalni zavod za medicinu rada („Službene novine Ze-do kantona“, broj:11/12), JU Zavod za medicinu rada i sportsku medicinu Zeničko-dobojskog kantona obavlja proširenu djelatnost, odnosno vrši i zdravstvenu zaštitu sportaša

Zakonom o zdravstvenoj zaštiti definisana je djelatnost sportske medicine odnosno poslovi koji predstavljaju proširenje djelatnosti Zavoda.

Sadržaj rada specifične zdravstvene zaštite obuhvata:

- prvi sistematski pregled
- kontrolni sistematski opregled
- vanredni sistematski pregled
- sistematski pregled specijalni-za sportiste visokog rizika
- konzilijarni pregled
- stručno-savjetodavnu pomoć
- utvrđivanje morfoloških karakteristika
- utvrđivanje neuro-motoručkih karakteristika
- ispitivanje osnovnih funkcionalnih parametara kardiorespiratornog sistema indirektnom metodom
- ispitivanje osnovnih funkcionalnih parametara kardiorespiratornog sistema uz EKG monitoring
- ispitivanje osnovnih funkcionalnih parametara kardiorespiratornog sistema-direktnim metodama
- ispitivanje kompleksnih funkcionalnih parametara kardiorespiratornog sistema i biohemijskih analiza direktnim metodama
- ispitivanje kompleksnih funkcionalnih i biohemijskih parametara kardiorespiratornog sistema pri situacionim testovima
- edukacija zdravstvenih radnika, trenera i sportista
- individualni programi ishrane sportista i rekreativaca

Zavod zdravstvenog osiguranja Zeničko-dobojskog kantona finansira program rada 3,4 tima specifične zdravstvene zaštite sportista u iznosu od 50% od ukupno potrebnih sredstava obračunatih po važećim standardima i normativima („Službene novine Federacije BiH“, broj: 82/14) , što iznosi 178.832,00 KM.

Najmanje 50% sredstava za finansiranje programa rada tima specifične zdravstvene zaštite sportista osigurava se izvan sredstava obaveznog zdravstvenog osiguranja (budžet kantona i /ili općine).

Budžetom Zeničko-dobojskog kantona za 2018. godinu za finansiranje navedenih aktivnosti planirana su sredstva u iznosu od 80.000,00 KM, a utrošiti će se za sljedeće:

Vrsta troška	Transfer za zdravstvenu zaštitu sportaša
1. Bruto primanje zaposlenih	45.500,00
2. Troškovi stručnog osposobljavanja	31.500,00
3. Zajednički troškovi	2.000,00
4. Troškovi zajedničkih službi	1.000,00
UKUPNO	80.000,00

Kriteriji za raspodjelu sredstava su Program rada, mjesečni iznosi za finansiranje utvrđeni Budžetom Zeničko-dobojskog kantona za 2018. godinu usklađeni sa procentom ostvarenja prihoda i operativni planovi potrošnje za svakog budžetskog korisnika.

Izvještaj o utrošku sredstava podnosi se Ministarstvu zdravstva šestomjesečno, odnosno po godišnjem obračunu.

II Tekući transferi neprfitnim organizacijama-planirani iznos 10.000,00 KM

1. Tekući transfer udruženjima-dobrovoljno darivanje krvi (ekonomski kod 614300, subanalitika LAX 004-godišnji iznos 10.000,00 KM)

U Budžetu Zeničko-dobojskog kantona za 2018. godinu planirana su sredstva koja se odnose na pomoć u finansiranju Crvenog križa Zeničko-dobojskog kantona u cilju obezbjeđivanja uslova za kvalitetnijim organizovanjem akcija u prikupljanju dovoljnih količina krvi za potrebe JU Kantonalna bolnica Zenica i Opća bolnica Tešanj.

Budžetom Zeničko-dobojskog kantona za 2018. godinu za ove namjene su planirana sredstva u iznosu od 10.000,00 KM, a realizacija će se vršiti u skladu sa procentom ostvarenja prihoda i operativnim planovima potrošnje za svakog budžetskog korisnika.

Kriteriji za raspodjelu sredstava: Dinamika provedenih akcija, redovni izvještaji organizacije za prikupljanje krvi i transfuzioloških službi zdravstvenih ustanova-bolnica. Na prijedlog Ministarstva zdravstva vlada Kantona donosi zaključak o odobravanju sredstava.

Broj: 02-_____/18.
Datum, 26.03.2018. godine
Z e n i c a

PREMIJER

Miralem Galijašević

DOSTAVLJENO:

1x Ministarstvo zdravstva,
1x Ministarstvo finansija,
1x a/a.